

الكتب القيمة المخزونة الكاملة لقومية هوي الصينية

回族典藏全書

吴海鹰 主編

甘肅文化出版社
寧夏人民出版社

203

主編

吳海鷹

副主編

吳建偉

雷興魁

雷曉靜

回族典藏全書

203

甘肅文化出版社
寧夏人民出版社

第二百零三冊 目錄

平叔詩存	民國鉛印本	清·蔣國平		一
藤香館詞鈔	清木刻本	清·薛時雨		一九九
藤香館詞二種	仿古鉛印本	清·薛時雨		三三九

平叔詩存

文獻名 平叔詩存
作者 清·蔣國平
版本 民國鉛印本

回族典藏全書

藝文類

一

序

蔣生國平幼而聰穎能誦詩木瓜篇上博母歡與兄國榜既
師予脫口成章句意態雄傑爲詩古文詞平易者尤非所喜
西江大庾戴叟少翹引與唱和由是詩大進晨昔精研談非
詩不歡兒子洵因視予往還交最契生恆勸學詩謂人當慷
慨悲歌以吐胸臆爲快耳惜洵資魯無所成就生嘗曰李六
雖不能詩然肝膽照人亦至友也會洵北遊武漢事起生避
兵走海上憂心時局更離別增感胸次鬱積一時泉湧風發
鳴更不平成詩愈多予來申江倉卒一晤願未及讀洵自保
定歸遯客死逆旅後三日生亦病逝悲哉夫以生美質天不
靳完其學養成就詎有涯量乃使丁亂世其詞憤激豪情壯

一

一

金陵叢書

文獻名 平叔詩存
作者 清·蔣國平
版本 民國鉛印本

文獻名平叔詩存
作者清·蔣國平
版本民國鉛印本

志規規僅見於詩亂世生才固多不幸與溯自洵病生日視
醫藥其友誼至篤洵卒生適病心殆未知洵病卽死而更未
知己病亦卽不起也將病染自洵以死耶則余心茲戚而洵
愈不瞑矣余值世亂髮且種種兢兢逃亡子死身且無歸更
益以生之戚哭安知慟然有文者彰無文者沒沒生固有自
名者在國榜之言曰弟逝便成長往抽繹所作痛如見弟今
願悉錄所作與知弟者共見之非敢言傳使弟沒而不沒卽
以舒余痛也亂離散失藥存者什之七搜集得若干首復共
予商訂成之因爲述其始末回憶師友兄弟喁喁然切劘一
堂瞥眼都成陳迹今日之役逆事痛心余更增以喪明之戚
盈盈老淚隨丹鉛而俱落矣壬子仲秋石僧李紹楠序於愼

修書屋

江甯蔣君蘇盦平叔昆弟年始十許歲各以才名余往客江甯未識也蘇盦昆弟已能識余文字辛亥轉徙上海平叔以遜國前死遺詩數百首其母夫人如長吉之阿嬈珍弄勿出蘇盦請編爲數卷甲寅授余勘定余觀其詩有蟬蛻鴻舉遺世獨立之概又似顧穎失職趨然不能爲懷而以狐喧賈太傅自詭亟亟以鳴其不平者平叔名家少年耳方宜薰衣鬋面躡高屐問體中之不暇奚事此業其獨耆此而以聞見瘵傷煎其年命昆弟並孤童生長華廬且有見於世而坐弱一箇此蘇盦所以痛欲傳之者也余觀古之才士如謝惠連徐悱皆蘭綺世族無預人事而謝則云平生無志意少小嬰憂

序

一金陵叢書

文獻名平叔詩存
作者清·蔣國平
版本民國鉛印本

文獻名 平叔詩存
作者 清·蔣國平
版本 民國鉛印本

蔣氏校印

患如何乘苦心況復值秋晏徐則云少年負壯氣耿介立衝
冠懷紀燕山石思開函谷丸俱以懷抱奇偉不遂其志卒致
短折平叔有謝徐之志而年猶遜於二子謂非才之夭閔耶
余既已論次其詩而書此以慰蘇盦其白於母夫人謂世尙
有牧之義山爲能傳通眉一生庶幾可以弭悲也已揚州興
化李詳

蔣國平哀辭

馮煦

甲戌交江甯蔣翰臣於漢皋翰臣隱閭閻而質直好義能急人之急予心異之既命其中子長恩厚民從予游同羈輦下蹤迹益密丙申厚民卒年三十許耳遺二孤曰國榜四歲曰國平三歲其年冬過江甯翰臣呼二孤拜堂下嶄然見頭角予喜二孤之萬於常童又念翰臣已篤老而厚民之不可作於邑久之不忍去越一歲翰臣又卒辛亥冬十二月邂逅海上國榜來謁泣然曰弟國平夭矣並出其遺詩二卷乞予審定於戲予與蔣氏三世之好一哭厚民再哭翰臣今又哭國平百年如風過蕭飀丁陽九之厄七十野翁飾巾待盡其尙堪此摧剝耶國平雖三歲而孤然有賢母撫之閑以經訓所

哀辭

金陵叢書

文獻名平叔詩存
作者清·蔣國平
版者本民國鉛印本

文獻名 平叔詩存
作者 清·蔣國平
版 本 民國鉛印本

席既豐無芻米僕賃之撓與兄國榜並負異稟互相師友以
文史爲枕藉意且有容容之福矣而國平際光宣之交世運
否塞人欲橫恣愀乎怵乎激於中而不自克煩冤悒鬱若不
可並生於斯世者所爲詩歌如哀蟬咽露孤雁叫霜淒厲激
楚不肖家庭和樂十五六歲人於戲此國平之所以夭與令
國平不夭挾其高朗英銳不可一世之概攷索前載洞燭世
變以待一日之用必能有所樹立不域於凡猥不則與兄國
榜鍵戶誦經邈與世絕根道核藝成一家之言使名字不隨
汶汶之世以俱泯而今曾不得二十而夭天之隄國平與世
之委瑣握促與國平異趣者札其生與抑國平怵懾不平之
氣鬱不一舒而致然與天人之倪可知不可知素矣信乎國

蔣氏校印

平之自致然耶迺爲辭以哀之且塞國榜之悲其辭曰
蘭始萌於空谷兮倏中實於繁霜玉在璞而見斲兮曾不得
貢之明堂嗟之子之內美兮羌蘭頡而玉頡芳菲菲其彌章
兮嫉蕭艾之披昌武夫焜燿於席上兮獨自閔其英光二難
競爽峙江左兮博容好修以爲常丁斯世之晦盲否塞兮氣
苑結而不揚與突梯滑稽以溷其泥兮甯披髮而叫大荒卒
一瞑而不視兮乘鷖馴蚪以上翔縱浪大化會須盡兮齊陵
谷而一彭殤

哀辭

金陵叢書

文獻名 平叔詩存
作者 清·蔣國平
版本 民國鉛印本

文獻名 平叔詩存
作者 清·蔣國平
版本 民國鉛印本

亡弟平叔墓碑

弟名國平平叔其字先府君仲子也生光緒甲午八月六日
爲日本內侵之始卒宣統辛亥十月十日則先遜位二月也
年十有八初予喪父時甫四齡弟又弱一歲母忍死撫之予
與弟下帷讀不越跬步致羞澀家人弟偶疾沮課瘳則兼數
日程誦詩木瓜篇聲琅琅以媚母諸經既卒業通曉大義箋
註家之瑣細穿鑿者恆易視之好太史公書及涑水通鑑究
氏族研治亂謂非他史擬一姓譜錄比於諸子喜管墨若陽
明書亦少少涉釋氏居近楊仁山居士廬時從假經論皆能
識宗法詩文嗜韓杜恥立門戶派別所作故尙典雅麗則銘
今古駢散于一治書法主朴拙无巧得篆分意蓋皆有以探

本源矣余治學稍無恆弟必極其詣余志立言弟志立功丁
世變所論著益偏宕激切洞當世利病善敗長老或未矜異
甚或譙讓之弟持之益堅獨予知之深耳余嘗謂弟道之不
明由屏百家當以孔佛究精禹墨致勤又遍繹周秦漢唐宋
明及泰東西學說博取而約守期足深雪性始鼓鑄斯世世
既蹙蹙無甯日卒業未可知弟又天莫余助悲今爲懸談矣
弟生時眉間有光可鑑額隱隱隆起好勝能斷母訓飭多裁
正吾父垂沒以安本分學吃虧二語爲訓稍長守之不敢忘
屏叫囂驕矜習時撻余失擬以祖所遺者廣廢箸別生計克
免依賴今不幸齋志沒矣幼鮮交游獨與戴少翹李立善少
翹故飽忠壯超客晚遁江左與弟及予爲忘年交中興先正

文獻名平叔詩存
作者清·蔣國平
版本民國鉛印本

文獻名 平叔詩存
作者 清·蔣國平
版本 民國鉛印本

多所稱述私以曾湘鄉自敦勛立治兵家言北僧某精技擊
夜與立往省之霜月在地習試刀劍鏗鏘有聲弟顧樂之
少翹客死殯之某山麓立自保定遁歸滬遂病弟日視醫藥
立死弟亦病三日死或謂染自立也方甯變亟外王母瞽矣
而舅氏客遊家皆細弱弟毅然輟書曰吾有母母亦有母全
母母即以事母獨身護外王母及細弱之蘇而安焉反滬不
而月卒人尤傷之辛亥秋弟遊越歸得詩盈一卷病方具稿
嘗置懷袖間既革爲檢拾猶強起納之卒乃得之中衣嗚呼
抱志不祿將珍此自鳴與嗚呼假弟年何事不可爲而何業
不可就吾母苦節方冀二子成立今衰白而更哭子余同母
弟多殤獨弟存今孑然顧形影更誰與繼誰與成業更誰與

共艱鉅承先一揚名聲弟病未必不可爲聽展轉庸醫而莫
知救且自兵起走海上世父之子若家人多以疫死余以羸
弱獲全然神氣亦隨弟骨肉俱寒矣弟卒之後一日殯諸上
海徐家滙後一月歸葬江甯某山某原致於吾父墓右其明
年春乃更銘之曰家難之顛沛兮呼我宗主予季之不祿兮
佇泣如雨羌岐嶷而嗜學兮乃所志之莫吐離茲何世兮掩
爾終古行道之人孰謂我同父兮則莫余助有行踽踽兮嗟
我同父

文獻名平叔詩存
作者清·蔣國平
版本民國鉛印本

